



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 12.4.2023

Nr: 316

Ora: 12:00

V E N D I M

P Ë R

SHPALLJEN E MOSZGJEDHSHMËRISË TË KANDIDATIT TË RADHËS NË LISTËN SHUMEMËRORE TË PARTISË SOCIALISTE TË SHQIPËRISË, QARKU SHKODËR, Z. ILIR HAMIT BEQAJ, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË

Në mbështetje të neneve 19, pikat 1, shkronjat “i”, “n” e 2, dhe 164, pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, të nenit 11, të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, dhe në Krerët II, pika 3, dhe V të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pasi shqyrtova dokumentacionin përkatës,

V Ë R E J:

Me shkresën nr. 1072/1 prot., datë 27.03.2023, Kuvendi i Republikës së Shqipërisë, ka njoftuar Komisionin Qendror të Zgjedhjeve për krijimin e vakancës në Kuvendin e Republikës së Shqipërisë, vakancë kjo e krijuar si pasojë e dorëheqjes nga mandati i deputetit, të z. Benet Bahri Beci, i zgjedhur në zonën zgjedhore, Qarku Shkodër, propozuar nga Partia Socialiste e Shqipërisë.

Neni 164 i Kodit Zgjedhor përcakton se, në rast të ndërprerjes së mandatit të deputetit, Kuvendi njofton Komisionin Qendror të Zgjedhjeve për krijimin e vakancës dhe Komisioni Qendror i Zgjedhjeve merr vendim për dhënien e mandatit të deputetit, kandidatit të radhës në listën shumëmbrore të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.

Data: 12.4.2023 Nr: 316
Ora: 12:00



“Për shpalljen e moszgjedhshmërisë të kandidatit të radhës në listën shumëmbrore të Partisë Socialiste të Shqipërisë, Qarku Shkodër, z. Ilir Hamit Beqaj, për plotësimin e vakancës së njoftuar nga Kuvendi i Shqipërisë”

Partia Socialiste e Shqipërisë, është regjistruar si subjekt zgjedhor për zgjedhjet për Kuvendin e Shqipërisë, me vendimin e Komisionit Qendror të Zgjedhjeve nr. 69, datë 15.02.2021.

Komisioni Rregullator me vendimin nr. 21, datë 13.07.2021, shpalli rezultatin përfundimtar të zgjedhjeve për Kuvendin e Republikës së Shqipërisë, të zhvilluara në datë 25.04.2021.

Komisioni Qendror i Zgjedhjeve me vendimin nr. 410, datë 23.06.2021, shpalli rezultatin përfundimtar të zgjedhjeve për Kuvendin e Shqipërisë, të zhvilluara në datë 25.04.2021 dhe miratoi listën shumemërore të deputetëve të zgjedhur në zonën zgjedhore Qarku Shkodër. Sipas vendimit të sipërcituar, Partia Socialiste e Shqipërisë për zonën zgjedhore, Qarku Shkodër, për zgjedhjet për Kuvendin e Shqipërisë të datës 25 Prill 2021, ka fituar 3 (tre) mandate dhe kandidat fitues nga lista shumemërore e Partisë Socialiste e Shqipërisë, për Qarkun Shkodër, janë numri rendor 01 (një) zj. Edona Xhavid Bilali, numri rendor 02 (dy) Paulin Nikoll Sterkaj, numri rendor 03 (tre) z. Benet Bahri Beci.

Rezulton se lista shumemërore e Partisë Socialiste të Shqipërisë, Qarku Shkodër, i plotëson të gjitha kriteret e përcaktuara në nenin 67 të Kodit Zgjedhor, duke përfshirë dhe kriterin e gjinisë. Në këto kushte zëvendësimi i vakancës do të bëhet sipas përcaktimeve të nenit 164, pika 2, të Kodit Zgjedhor me kandidatin e radhës.

Sipas listës shumemërore të kandidatëve për deputet për zonën zgjedhore, Qarku Shkodër, të Partisë Socialiste të Shqipërisë, miratuar me vendimin e Komisionit Qendror të Zgjedhjeve nr. 410, datë 23.06.2021, rezulton se, kandidati të cilit i kalon mandati i deputetit është kandidati me numër rendor 4 (katër) z. Ilir Hamit Beqaj.

Komisioni Qendror i Zgjedhjeve, në zbatim të pikës 3 të kreut II të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, me shkresën nr. 2227 prot., datë 29.03.2023, i është drejtuar z. Ilir Hamit Beqaj, duke e njoftuar për depozitimin në KQZ të formularit të vetëdeklarimit për garantimin e integritetit të kandidatit.

Referuar pikës 3, të Kreut II, të vendimit nr. 17/2016 të Kuvendit, afati i fundit për depozitimin në Komisionin Qendror të Zgjedhjeve të formularit të vetëdeklarimit ishte data 7.04.2023.

Brenda afatit të sipërcituar, nuk është depozituar pranë Komisionit Qendror të Zgjedhjeve formulari i vetëdeklarimit për garantimin e integritetit nga z. Ilir Hamit Beqaj.

Referuar nenit 5, pika 2, të ligjit nr. 138/2015, refuzimi për të dorëzuar formularin e vetëdeklarimit ose mosparaqitja e formularit, përbën shkak për mosregjistrimin apo moszgjedhshmërinë e kandidatit si deputet i Kuvendit. Gjithashtu referuar Kreut II, pika 3 të vendimit të Kuvendit nr. 17/2016, nëse subjekti nuk depoziton formularin e vetëdeklarimit brenda afatit, konsiderohet se refuzon propozimin e organit kompetent për kandidim, zgjedhje apo emërim. Në këtë rast, organi kompetent ndërpret procedurën për propozimin e këtij subjekti për t’u kandiduar, zgjedhur apo emëruar në atë funksion publik.

Referuar nenit 11, pika 2, të ligjit nr. 138/2015, konstatohet se kandidati i radhës në listën shumëmemërore të Partisë Socialiste të Shqipërisë, Qarku Shkodër, nuk dorëzoi formularin e vetëdeklarimit brenda afatit ligjor.

PËR KËTO ARSYE:

Bazuar në nenet 19, pikat 1, shkronjat “i”, “n” e 2 dhe 164, pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, në nenin 11, të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, dhe në Krerët II, pika 3, dhe V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Të shpall moszgjedhshmërinë si deputet në Kuvendin e Shqipërisë të kandidatit të radhës në listën shumëmemërore të Partisë Socialiste të Shqipërisë, Qarku Shkodër, z. Ilir Hamit Beqaj.
2. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim në Komisionin e Ankimimeve dhe Sanksioneve, brenda 3 (tre) ditëve nga hyrja e tij në fuqi.

Komisioneri Shtetëror i Zgjedhjeve

Ilirjan CELIBASHI